



Sámi allaskuvla
Sámi University College

FÁGAPLÁNA

GEABBILIS PRAKTIHKALAŠ PEDAGOGALAŠ OAHPPU

60 oahppočuoggá

1. OAHPPOOVTTADAGA NAMMA

Sámegillii: Geabbilis praktihkalaš pedagogalaš oahppu fidnofágaid ja dábálaš fágaid váste

Engelagillii: Flexible programme in educational theory and practice

2. OPPALAŠ DIEĐUT OAHPU BIRRA

Oahppoovttadaga koda ja dássi GPPO 294 ja GPPO 295
Viidodat 60 oahppočuoggá

Oahpu lágideapmi *Ollesáiggio*oahppu guovtti (2) lohkanbaji badjel. Oahppu geavaha oahpahusmodealla mii fátmasta *mággabealat oahppama* "Blended learning", suokkardalli oahppama ja eará oahppanvugiid mat dorjot geabbilis ja studeanta aktiivva bargovugiid. Mággabealat oahppamis adnojit mánga iešguđet oahppanvuogi nugo mat e-oahppan, ieš-oahppan, joavkkooahppan, luohkkálanjas- ja nehtas oahppan jna. Dán oahpus geavahuvvo variánta "flipped Classroom", mas oahpaheapmi lea studeantaaktiivvalaš go studeanttat ieža čađahit máhttoháhkama ee. digitálogaldallamiid čađa ruovttus. Studeanttat besset geahččat digitálogaldallamiid nu mángii go háliidit, ja dasto go leat skuvllas deaivvademiin, de barget dáid ektui bargobihtáiguin, joavkobargguiguin ja ovdanbuktiimiiguin jna. Dát mearkkaša ahte GPPO:as jorgaluvvo máhttoháhkan nuppe ládje go dat mii lea dábálaš árbevirolaš skuvllas, gos oahpaheamis leat logaldallamat luohkkálanjas ja studeantabarggut fas leat ruovttus.

3. OAHPPOPROGRÁMMA GULLEVAŠVUOHTA

Praktihkalaš pedagogalaš oahppu lea huksejuvvon Máhttodepartemeantta *Forskrift om rammeplan for Praktisk-pedagogisk utdanning for yrkesfag for trinn 8-13* dohkkehuvvon 18.3.2013, *Rammeplan for Praktisk-pedagogisk utdanning* dohkkehuvvon 3.4.2003 ja *Forskrift til rammeplan for praktisk-pedagogisk utdanning* dohkkehuvvon 2005.

4. SISABEASSANGÁIBÁDUSAT

Sisabeassaneaktun lea okta dain oahppoduogážiin

- Golmma jahkásaš universitehta- dahje allaskuvlaoahppu ja unnimus 60 oahppočuoggá fágačieknudeapmi juogo sámegielas dahje boazodoalus
- Golmma jahkásaš universitehta- dahje allaskuvlaoahppu, mas leat 60 oahppočuoggá fágačieknudeapmi eará surggiin, ja mas deattuhuvvo unnimus guokte jagi ámmáhii relevánta práksis, mas njálmálaš sámegiella lea adnon oahpahangiellan.
- Golmma jahkásaš profešuvdnavuđot bachelorgráda ja unnimus guokte jagi ámmáhii relevánta práksis.
- Fága-/svennerive dahje eará golmma jahkásaš fidnooahppu joatkkaskuvládásis, dábálaš oahppogelbbolašvuohta, guokte jagi relevánta fidnoteorehtalaš oahppu joatkkaskuvlla maŋŋá ja njeallje jagi fidnopráksis.

Muđui čujuhit universitehtaid ja allaskuvllaid oktasaš sisaváldinnjuolggadusaide.

5. OAHPAHUSGIELLA

Oahpahusgiella lea eanas sámegillii, muhto logaldallamat sáhttet maid leat eará gielaide, nugo skandinávalaš gielaide, engelasgillii.

6. SISDOALLU

Oahpu sisdoalu vuolggasadjin lea sámi ipmárdus- ja máhttovuođđu, masa gullá maid sámiid oahppan- ja oahpahanipmárdus. Oahppu galgá addit boahhteáiggi sámi oahpaheddjiid geat nákkejit doaibmat goit guovtti máhttomáilmmis, ja lunddolaččat máhttit atnit sihke árbevirolaš máhtu ja dieđalaš máhtu oahpahandilálašvuođain. Dán vuodđun leat vihtta vuodđoelemeantta máhttofiervredeami dáfus; árbevirolašmáhttu, dieđalašmáhttu, pedagogalaš máhttu, praktihkalašmáhttu ja digitálagelbbolašvuohta. GPPO oahpu mihttun lea studeanttaide hukset oahpaheadjemáhtu mas studeanttat sáhttet viežžat dieđuid iešguđetge fágasurggiin, omd. árbevirolaš máhtus, dieđalaš máhtus, pedagogihkas ja teknologijias, ja dáid vuodul máhttit smiehttat ja ávkkástallat innovatiivva bargovugiid mat laktojuvvojit praktihkalaš pedagogalaš bargui, mii dárbbahuvvo modearna servodagas mii jođánit rievdá. Fágasurggiid ovttahttin galgá maid váikkuhit ahte máhttoelemeanttat ja máhttostruktuvrrat ovdánahttojuvvojit kritihkalaš reflekšuvnnaid bokte ja movt máhttu váldo mielde oahpahussii. Gelbbolašvuođamihttomearit deattuhit ahte studeanttat ožžot ovdánahttinmáhtu ja máhtu oahpahusa- ja oahpahanmálliid viidudit nu ahte nákkejit dustet boahhte áiggi odđa dilálašvuođaid ja hástalusaid mat leat áigejuovdilát.

Oahppu lea ollesáiggeoahppu, mas leat 60 oč, ja mas lea pedagogihkka, didaktihkka (sihke fága-, fidno- ja profešuvnašdidaktihkka) ja práksis mat čađahuvvojit goappáge lohkanbajis ja organiserejuvvojit ollislaš ja oktalaš oahpahussan, mii ii sirrejuvvo, muhto laktaduvvojit lunddolaččat oktii.

Oahppu juhkkovuođo guovtti oassái:

1. Lohkanbadji: Oahppan ja boahhteáiggi oahpaheaddji vuodđogelbbolašvuohta (30 OČ)
2. Lohkanbadji: Oahpaheaddjigelbbolašvuođa ovdánahttit ja viiddideapmi (30 OČ)

Pedagogalaš hárjehallan:

Pedagogalašhárjehallan lea integrerejuvvon oassi pedagogihka ja fága-/fidnodidákihkkaoahpus.

Pedagogalaš/praktihkalaš hárjehallan lea oktiibuot **12 vahkku** ja juhkkovuođo ná:

3,0 vahkku hárjehallan, mii čadno praktihkalaš pedagogalaš bargui ja mii laktá praksisa- ja teorijamáhtu nannosit oktii. Dát hárjehallan álggahuvvo skuvlajagi álggus ja ovdánahttojuvvo olles skuvlajagi badjel. Dán hárjehallamis barget studeanttat teorehtalaš temáiguin ovttasráđiid fágabirrasiguin. Studeanttat hárjehallet gaskkustit fágalaš temáid metadásis joavkkus, plenum:as ja maid háhket máhtu árvvoštallat oahppama (vurdering for læring) sihke iežas ja guhtet guoibmáseaset (self review ja peer review), dát dáhpáhuvvá sihke campus:as ja digitálalaččat. Hárjehallama oktavuodas ožžot studeanttat geažusgaska neavvagiid fágaolbmuid/oahpaheddjiin.

2,5 vahkku čakčalohkanbajis čađahuvvo Sámi allaskuvllas ovttas Sámi joatkkaskuvllaiguin.

5,5 vahkku giđđalohkanbajis

- 2,0 vahkku čađahuvvo digitálahárjehallamiin
- 4,0 vahkku ovdánahttinprošeaktan bargosajis/skuvllas
- 0,5 vahkku eksámenii gullevaš praktihkalaš/teorehtalaš hárjehallamiin .

Muđui čuvvojuvvojit našunálanjuolggadusat mat gullet praktihkalaš pedagogalaš oahpuide.

7. OAHPPANJOKSOSAT

Oahpu maŋŋá studeanta lea olahán dáid oahppanjoksosiid:

Máhttu ja diehtu

Studeanta

- Dovdá pedagogihka suorggi sisdoalu ja diehtá muhtun čiekŋaleappot ráddjejuvvon osiid fágasuorggis, ja máhtá dán suorggi metagiela gaskkustit

- Dovdá ja diehtá fága-/fidnodidákttalaš ja pedagogalaš teoriijaid mat gustojit 8.-13 dássái
- Dovdá oahpaheaddjeprofešuvnna oahpahusa stivrendokumeanttaid (lágaid- ja oahppoplánaid ja eará plánaid), skuvlla mandáhta ja oahpahusa árvovuođu
- Máhttá reflekteeret dieđalaš máhtu ja árbevirolaš máhtu teoriijaid, metodaidda ja dulkojumiid birra mat gusket pedagogihka fágasuorggi siskkobealde profešuvnna fidno- ja skuvlafágaid oktavuodain, ja iešheanalisa bargat praktihkalaš ja teorehtalaš čuolbmačoavdimiin
- Dovdá sámiiid árbevirolaš oahpahan- ja jurddašuvugiid vai máhttá daid atnit diehtomielalaččat iežas oahpahusa oktavuodas
- Dovdá observeren- ja analysametodaidda mat sáhtá geavahit ohppiid oahppama ektui.
- Diehtá movt ohppiid eavttut ja duogáš váldojuvvojit vuodđun oahppamii, oahppanproseassaide, bargovugiide, oahpahanressaide, luohkkájođiheapmái, árvvoštallanvugiide, gulahallamii ja ovttasbargui.
- Dovdá ohppiid oahppama ja ovdáneami
- Dovdá beliid oahppanbirrasa kultuvrralaš mánggabealatvuodá ja mánggagielatvuodá birra, ja dovdá movt mánáid- ja nuoraidkultuvrra ja mánáid ja nuoraid ovdáneami ja oahppama iešguđet sosiála ja kultuvrralaš oktavuodain.
- Dovdá bures dutkanmetodaidda ja ovdánahttinbarguid birra
- Diehtá movt ođđa bargovugiid ja digitála reaidduid sáhtá váldit atnui oahppama ja oahpaheami váras ja nu ráhkkanit boahpteáiggi oahpaheaddjin

Gálggat

Studeanta:

- Máhttá oahpahusa plánet, čađahit, jođihit ja árvvoštallat dutkan- ja vásáhusvuđot máhtu ja teoriijaid vuodul ja geavahit iešguđetlágan bargovugiid ja oahppanressaidda heivehuvvon fága- ja fidnofágaide.
- Máhttá heivehit oahpahusa gustovaš oahppoplánaid ja láchkavuoduid mielde
- Máhttá jođihit ohppiid oahppanoktavuodas ja láchčit dilálašvuodaid mat duddjojit ohppiid gaskkas buriid oktavuodaid ja oahppi ja oahpaheaddji gaskkas ovddidan dihte ovttaárvosašvuodá ja ohppiid fágalaš ja sosiála oahppama ja ovdáneami
- Máhttá láchčit movttiideaddji ja fáttmasteaddji oahppanbirrasa
- Máhttá árvvoštallat oahppama (vurdering for læring) dás sihke iežas ja ohppiid oahppama ja váikkuhit dasa ahte oahppit máhttet reflekteeret iežaset oahppama ja fágalaš ovdáneami
- Máhttá atnit iešguđet lágan máhttosurggiid, árbevirolaš máhtu, fága- ja fidnofágalaš, pedagogalaš, fágalaš ja fidnodidákttalaš ja innovašuvnna ja digitála máhtuid
- Máhttá plánet ja čađahit profešuvdnaguoski dutkan- ja ovdánahttinprošeavtta bagadallama vehkiin
- Máhttá digaštallat ja gaskkustit pedagogalaš ja fága-/fidnodidákttalaš čuolmmaid ja máhttá oahppanbirrasis gulahallat, ovttasdoaimmat ja joavkkus bargat.

Oppalaš gelbbolašvuohtha

Studeanta:

- Máhtta digaštallat oahpahusa ja oahppama, fága-/fidnooahpahusa ja ohppiid birra professeunealla kvalitehtakriterioid ja ehtalaš prinsihpaid vuodul.
- Máhtta geavahit gelbbolašvuoda maid lea háhkan
- Šaddá buorren ovdagovvan ohppiide ja vuhtiiváldá oahpaheaddjerolla professeuvnna gustovaš árvvuid ja norpmaid mielde
- Máhtta iešheanalis ja ovttas earáiguin ovdánahttit iežas gelbbolašvuoda
- Máhtta láchit diliid oažžun dihte báikegotti ja servodaga mielde oahpahussii, ja huksen buriid oktavuodaid ja ovttasbarggu váhnemiiguin ja gustovaš ovttasbargoguimmiiguin
- Máhtta fuomášit jus mánáin ja nuorain leat váttis eallindilit, dása diehtu veahkaválddalašvuoda ja seksuála veagalváldima mánáid ja nuoraid vuostá, ja sin rivttiid birra nationála ja riikkaidgaskasaš perspektiivvain, ja dása vel dat movt bidjat doibmii dárbbášlaš doaibmabijuid láchavuodu mielde
- Dovdá movt digitálagelbbolašvuodda sáhtta veahkehit ohppiid fágalaš ovdánahttimii ja máhtta geavahit digitálaressursaid oahpaheamis
- máhtta ovdánahttit smiehttangálggaid, kreativitehta ja innovatiiva bargovugiid
- máhtta geavahit konteaksta- ja fágaidrasttideaddji oahppama, man vuodut leat árbevirolašmáhttu, oahpaheaddjemáhttu iešguđet fágasurggiin ja oahppoplánain

8. OAHPAHAN- JA OAHPPANVUOGIT

GPPO lea ollesáiggeoahppu mas leat sihke digitáloahpahus, deaivvadeamit Campsis ja pedagogalaš hárbhallamat skuvllas, fitnodagain ja allaskuvllas. Oahpu digitáloahpahusa geabbilisvuoda dovdomearka lea ahte studeanttain lea vejolašvuodda bargat goas ja gos ieš áigot ja dát maid addá vejolašvuoda bargat ja oahppat fierpmádagain ja ovdánahttit máhtu ovttas earáiguin.

Oahpu oahpahanvuohki govvida dan maid studeanttat galget oahppat, muhto maiddáin dan duohta máilmmi dahje barggu gosa sii leat ráhkkaneamen go gearget oahpuin. Dát máilbmi/barggut rivdet jođánit, ja dávjá leat dát oassin fierpmádagain mat leat muddejuvvon servvodatrievdamii ektui ja nu leat čađat ovdáneame. GPPO oahpahanlahkoneapmi deattuha movt allaskuvla sáhtta buvttadit boahhteáiggi oahpaheddjiid.

Oahppu gáibida olu studeanttain go studeanttas lea alddis geatnegasvuodda hukset máhtu ja dan vuodul ovdánahttit dieid beliid. Vai buohkat ožžot eanemus ávki oahpahusain, de fertejit studeanttat oassálastet aktiivvalaččat buot dáin osiin ja nu loktet sihke iežaset ja earáid oahppama refleksuvnnaid ja vásáhusaid bokte. Nu huksejuvvo oktasaš máhtovuorká mii lea buohkaide ávkin.

GPPO guovddáš bealit ja bargovuogit galget addit studeanttaide vuoddu oažžut máhtu hukset teknologijja ja informašuvdnajođu, nannet smiehttangálggaid, kreativitehta ja innovatiiva bargovugiid. Oahppu geavaha čuolbmačoavdimma ja prošeaktačađahemiid oahppanvuohkin- ja reaidun, lassin vejolašvuoda geavahit teknologijja ja ođđa bargovugiid. Oahpahusvuogit addet studeanttaide máhtu ipmirdit pedagogalaš ja didáktalaš teorijaid, doahpágiid ja prinsihpaid. Dát maid leat veahkin ovddideame návccaid geavahit máhtu čoavdit čuolmmaid ja bargguid, ja nu geavahit kognitiiva, praktihkalaš, kreatiiva ja gulahallangálggaid. Ollislaččat besset oahppat atnit máhtu ja gálggaid iešheanalaččat iešguđet diliin. Ovttasbargu lea guovddážiis ja dása gullet ovdánahttit ovttasbargonávccaid, ovddasvástideaddje- ja reflekterejeaddji návccaid kritihkalaš smiehttamis.

Oahpahas adno “nano”oahppan, mas fállat digitála mikrolekšuvnnaid maid vuodul studeanttat ožžot máhtu ja dieđu oahpu osiin. Dás sáhttet maid leat fáttáid ovdanbuktimat ja čuolmmat maid šaddet čoavdit ja reflekteret. Vai studeanttat ožžot eanemus ávki digitála fágasisdoalus, galget studeanttat buot daid geahččan ja oassálastán oahppanproseassin mat čađahuvvojit Campusis. Oahpahas geavahuvvo sierra digitála oahpahas- ja oahppanbáiki mii šaddá oahpu oktasaš váldodeaivvadanbáiki. Dán pedagogalaš jurddašemi čađahepmái biddjo maid sierra latnja ja infrastruktuorra/veahkkeneavvut doarjun dihte sihke oahpahas ja studeanttaid bargguid čađaheami. Muđui geavahuvvojit maid eará digitálareaidut mat galget leat mielde huksemiin boahpteáiggi oahpahasjurdaga.

9. GÁIBÁDUSAT BEASSAT EKSÁMENIIDDA

Studeanta galgá leat aktiivvalaččat searvan oahpahas (sosiálalaččat, fágalaččat ja olmmošlaččat) Studeantta galgá ožžon dohkálašvuodaárvoštallama sihke oahpahussii ja pedagogalaš hárjehallamii.

Čuovvovaš barggut galget leat čađahuvvon ja dohkkehuvvon fágaovddasvástideaddji bokte ovdal go studeanta beassá loahpalaš eksámenii:

- 1) Bargogáibádusat
 1. Ovttasohppan – oktasaš pedagogalaš ja didáktálaš čálus – stuora čálus buohkat ovttas
 2. Hárjehallamii guoskevaš barggut
 - a. Ovdaplána 2. hárjehallamii
 - b. Hárjehallanraporttat čakča- ja digitálahárjehallamis
- 2) Dohkkehuvvon **oasseeksámen** čakčalohkanbajis
- 3) Pedagogalaš hárjehallamiid oktavuodas galget **hárjehallanáigodagat**, -ráhkkaneamit, -seminárat ja -raporteremat leat čađahuvvon ja dohkkehuvvon.

10. EKSÁMENAT

Oahpus leat guokte eksámena, mii goappáge árvvoštallojuvvo árvosániiguin A-F ja mat addet ollislaš árvosáni.

Oahppokoda	Namma	Oč	Eksámenvuohki	Árvvoštallan	Deaddu
GPPO294	Oahppan ja boahpteáiggi oahpaheadji vuodđogelbbolašvuohka	30 oč	Njálmmálaš eksámen	A-F	40%
GPPO295	Oahpaheadjigelbbolašvuoda ovdánahttit ja viiddideapmi	30 oč	Ovdánahttinprošeavtta raporta, mas lea váldodeaddu. Dasa vel pedagogalaš praktihkalaš eksámen 1 diimmu ovdánahttinprošeavtta vuodul, mainna mudde árvosáni	A-F	60%

Eksámenvuogit GPPO ovddidit nannosit teorehtalaš ja praktihkalaš laktáseami maid dáinna áigumušain ahte eksámenáigodat galga leat oahppanáigodat lassin árvvoštallamii. Nu ovddiduvvo ja riggiduvvo integrerren gaskkal akademalaš ja praktihkalaš máhtu.

Árvosánit addojit ECTS vuogádaga mielde A-F, mas A lea buoremus árvosátni, E lea vuolimus ceavzinárvosátni ja F mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan ja eksámen njuolggadusaide.

11. LEA GO PRIVATISTAN VEJOLAŠ VÁLDIT DÁN FÁGA?

Studeanta ii sáhte privatistan váldit GPPO eksámena dahje oasseovttadagaid oasseeksámeniid. Muđui sáhtta fállat eará berošteddjiide vejolašvuoda čuovvut oahpu báddejuvvon teorehtalaš fáttaid ja nu ovddit iežas gelbbolašvuoda. (omd hárjehallanoahpaheaddjit)

Oahpu oahppanjoksosiid ja bargogáibádusaid olaheapmi eaktuda studeantta oassálastima ohppui. Geahča muđui U/A lága pg.3-8(2).

12. KVALITEHTASIHKKARASTIN

Čujuhuvvo SA kvalitehtasihkkarastinnjuolggadusaide, ja dasa makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri lea sullii 2400 siiddu, mas lea sullii 1200 siiddu goabbat ge oahppoovttadagas. Dása gullet sihke báber- ja digitálačállosat. Dát gokčá fáttáid mat gieđahallojuvvojit oahpahusa guovtti oasis, muhto gáibiduvvo maiddá ahte studeanttat ieža ovttrasáđiid fágaoahpaheddjiiguin gávdnet áigeovodilis fágasisdoalu mat heive buoremusat studeanttaid bargguide. Ná sihkkarastojuvvo ahte studeanttat háhket gelbbolašvuoda mii speadjalastojuvvo dán plána oahppanmihtuid, muhto maiddá studeanttaid iežaset oahppanmihtuid.

Lohkanmearri sáhtta leat davvisámegillii ja skandinávlaš gielaide ja maiddá engelasgillii. Sulastahtti girjjiid sáhtta válljet suomagillii. Lohkanmearri dohkkehuvvo sierra.

FUOMÁŠ: ii leat vel gárvis ja ferte sierra dohkkehuvvot

2. OASSI: GPPO OASSEOVTTADAGAT

Prográmmaplána	ovtta oahppojahkái	
	čakčat	gidđat
GPPO 294 Oahppan ja boahhteáiggi oahpaheaddji vuodđogelbbolašvuhta	30 oč	
GPPO 295 Oahpaheaddjigelbbolašvuoda ovdánahttit ja viiddideapmi		30 oč

Hárjehallanplána	Ovttá oahppojahki - 12 vahkku	
	čakčat	gidđat
Hárjehallan 1: Čatnon praktihkalaš pedagogalaš bargui mii bistá olles skuvlajagi	3 vahkku	
Hárjehallan 2: Ovdanbuktin ja observášuvdna	1 vahkku	
Hárjehallan 3: Joatkkaskuvlla luohkát allaskuvllas	1,5 vahkku	
Hárjehallan 4: Digitála hárjehallan		2 vahkku
Hárjehallan 5: Ovdánahttinprošeakta skuvllas/bargosajis		4 vahkku
Hárjehallan 6: Eksámenii gullelaš praktihkalaš pedagogalaš hárjehallan		0,5 vahkku

GPPO 294 OAHPPAN JA BOAHTTEÁIGGI OAHPAHEADDJI VUOĐĐOGELBBOLAŠVUOHTA - 30 OAHPPOČUOGGÁ

SISDOALLU

Oahppu addá vuodu studeanttaide háhkat pedagogalaš ja fága-/fidnodidákttalaš teoriijaid mat leat relevánta dán oahpus. Guovddáš bealli lea bargat ovttas ja háhkat oktasaš máhtovuodu dáidda áššiide. Oahppu sisttisdoallá das movt oahpahusa plánet, čađahit, jođihit ja árvvoštallat dutkan- ja vásáhusvuđot máhtu ja teoriijaid vuodul, ja geavahit iešguđetlágan bargovugiid ja oahppanressaid heivehuvvon fága-ja fidnofágaide iešguđetlágán oahppanarenain

OAHPPANJOKSOSAT

Máhttu ja diehtu

Studeanta

- Dovdá ja diehtá fága-/fidnodidákttalaš ja pedagogalaš teoriijaid mat gustojit 8.-13 dássái
- Dovdá oahpaheaddjeprofešuvnna oahpahusa stivrendokumeanttaid (lágaid- ja oahppoplánaid ja eará plánaid), skuvlla mandáhta ja oahpahusa árvovuodu
- Dovdá sámiid árbevirolaš oahpahan- ja jurddašnavugiid vai máhtta daid atnit diehtomielalaččat iežas oahpahusa oktavuodas
- Dovdá observeren- ja analysametodaid mat sáhtta geavahit ohppiid oahppama ektui.
- Dovdá beliid oahppanbirrasa kultuvrralaš mánggabealatvuoda ja mánggagielatvuoda birra, ja dovdá movt mánáid- ja nuoraidkultuvrra ja mánáid ja nuoraid ovdáneami ja oahppama iešguđet sosiála ja kultuvrralaš oktavuodain.
- Diehtá movt ođđa bargovugiid ja digitála reaidduid sáhtta váldit atnui oahppama ja oahpaheami váras ja nu ráhkkanit boahtteáiggi oahpaheaddjin

Gálggat

Studeanta:

- Máhtta oahpahusa plánet, čađahit, jođihit ja árvvoštallat dutkan- ja vásáhusvuđot máhtu ja teoriijaid vuodul ja geavahit iešguđetlágan bargovugiid ja oahppanressaid heivehuvvon fága-ja fidnofágaide.
- Máhtta heivehit oahpahusa gustovaš oahppoplánaid ja láchkavuoduid mielde
- Máhtta jođihit ohppiid oahppanoktavuodas ja láchcit dilálašvuodaid mat duddjojit ohppiid gaskkas buriid oktavuodaid ja oahppi ja oahpaheaddji gaskkas ovddidan dihte ovttaárvosašvuoda ja ohppiid fágalaš ja sosiála oahppama ja ovdáneami
- Máhtta plánet ja čađahit profešuvdnaguoski dutkan- ja ovdánahttinprošeavtta bagadallama vehkiin
- Máhtta digaštallat ja gaskkustit pedagogalaš ja fága-/fidnodidákttalaš čuolmmaid ja máhtta oahppanbirrasis gulahallat, ovttasdoaimmat ja joavkkus bargat.

Oppalaš gelbbolašvuolta

Studeanta:

- Máhtta iešheanalis ja ovttas earáiguin ovdánahttit iežas gelbbolašvuoda

- Dovdá movt digitálagelbbolašvuohta sáhtta veahkehit ohppiid fágalaš ovdánahttimii ja máhtta geavahit digitálaressaid oahpaheamis

Gáibádusat beassat eksámenii

Čuovvovaš barggut galget leat čađahuvvon ja dohkkehuvvon fágaovddasvástideaddji bokte ovdal go studeanta beassá eksámenii:

- Ovttasoahttan – oktasaš pedagogalaš ja didáktálaš čálus – stuora čálus buohkat ovttas
- Hárjehallamii guoskevaš barggut, mat leat ovdaplána nuppi hárjehallamii ja čakčalohkanbaji pedagogalaš hárjehallanraporta

Oasseksámen

Njálmálaš eksámen man fáddá váldo ovttasoahttan buktagis, mii lea álggahuvvon skuvlajagi álggus.

Sáhtta iešheanalis dahje joavkoeksámen.

Oasseksámen árvvoštallojuvvo ECTS vuogádaga mielde A-F. Siskkáldas árvvoštallan.

Lohkanmearri

ii leat vel gárvvis ja ferte sierra dohkkehuvvot

GPPO 295 OAHPAHEADDJIGELBBOLAŠVUOĐA OVDÁNAHTTIT JA VIIDDIDEAPMI - 30 OAHPPOČUOGGÁ

ii leat vel gárvvis ja ferte sierra dohkkehuvvot